



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

214.

83

30 JUL 2010

9950

594 1010

53 70 m.

ՔՈՒԼՏՈՆ ԵՒ ՍՏԵՔԵՆՍՈՆ

926.

6219.

(պատկերազարդ)

\$-83 *ար*

ՀՈԳԵՆԱԻԻ ԵՒ ՀՈԳԵԿԱՌՔԻ ՀՆԱՐՈՂՆԵՐԸ

(„ДОСУГЪ И ДѢЛО“ ամսագրից)

Փոխադրեց Ն.



1005
04916
5001

Фультонъ и Стефенсонъ

(съ портретами)

(Изобрѣтатели парохода и паровоза)

(Изъ журн. „Досугъ и Дѣло“)

Тифлисъ.

Տիֆլիս.

Тип. Г. В. Чарвзіани.
Михайлов, пр., д. № 65

Տպ. Դ. Վ. Չարվիրանի.
Միք. փող. տ. № 65

19.03.2014



Дозволено цензурою 3-го марта 1904 г. Тифлисъ.

Ф. П. Л. С. П. С.



Ա Ղ Խ Ա Տ Ա Ի Ո Ր Ն Ե Ր:

Ձոգենաւի և շոգեկարքի հնարողները:

Ֆ Ո Ւ Լ Տ Ո Ն.

Ձեզանից շատերդ, գուցէ և ամենրդ, երևի ճանապարհորդել էք երկաթուղով կամ շոգենաւով, և ձեզանից իւրաքանչիւրը գիտէ, որ նրանց հնարած գիւտերը շատ օգտակար են մարդկութեան: Եւ իրաւ, որքան և ժամանակի և փողի և աշխատանքի խնայողութիւն է լինում շոգենաւերի և երկաթուղիների շնորհիւ:

Դիցուք ուզում էք գնալ Թիֆլիսից Պետերբուրգ, որոնք միմեանցից հեռու են առաւել քան 2639 վերստով. եթէ փորձէիք ոտով ճանապարհորդել, 4 ամսից աւելի հարկաւոր կլինէր, մինչդեռ ժամանակն արժաթ է, փող արժէ, մանաւանդ այն մարդու համար, որի ստացած ամսական ոտճիկը միքանի տասնեակ կամ մինչև անգամ մի հարիւր ուրբիից աւելի չէ, և ճանապարհին կերակրուելու համար նոյնպէս բաւական փող հարկաւոր է: Ձիակառքով էլ պէտք կը լինէր գնալ ամենաքիչը երկու շաբաթ և ձիակառքի փողն էլ հարկաւոր կը լինէր վճարել առ նուազն 200 ռ., մինչդեռ երկաթուղով, եթէ Թիֆլիսից էլ վլադիկաւկազ երկաթուղի շինած լինէր, հարկաւոր

կը լինէր վճարել ոչ աւելի քան 20 բուբլի, բայց որում հիմա ճանապարհածախսը երկաթուղիով Վլադիկաւկազից մինչև Ս. Պետերբուրգ արժէ միայն 14 ռ. 40 կոպ. — գարմանալի աժանութիւն: Կամ դիցուք հարկաւոր է 25 փութ ապրանք ուղարկել Վլադիկաւկազից մինչև Ս. Պետերբուրգ, որոնց հեռաւորութիւնը 2428 վերստ է. եթէ ուղարկէիք սայլով, 3 ամսից աւելի կը տեւէր և հարկաւոր կը լինէր 100 բուբլուց շատ աւելի վճարել. մինչդեռ երկաթուղով, ընդամէսը 3 օրում կը տեղափոխէին ապրանքը մօտաւորապէս 10 բուբլիով: Կարող էք երևակայել թէ որքան և ժամանակի և աշխատանքի խնայողութիւն է լինում, երբ բոլոր ներկայ երկաթուղիների վրայ ամեն օր 4 միլիօն ճանապարհորդից աւելի և 100 միլիօն բուբլուց աւելի ապրանք է տեղափոխուում:

Պէտքէ այս էլ ասել ձեզ, որ երկաթուղիներով ճանապարհորդելը համեմատաբար աւելի անվտանգ է կատարուում: Զատերը ձեզանից, գուցէ, սրան չը հաւատան, որովհետև ձեզանից իւրաքանչիւրը լսած կը լինի որ այս ինչ տեղը երկաթուղու գնացքը ճանապարհից շեղուեց, այն ինչ տեղը գնացքները միմեանց հանգիպեցան, այսքան մարդ վիրաւորուեցաւ, այնքան մարդ սպանուեցաւ: Այս պատճառով շատերն ահ ու դողով են նստում երկաթուղու կառքը: Բայց այս երկիւղը միայն տգիտութիւնիցն է առաջանում: Որովհետև վաղուց արդէն բոլոր տէրութիւնները հաշիւ են արել թէ որքան մարդ է փչանում երկաթուղիների վրայ. և մեզ մօտ, օրինակ, Ռուսիայում, 1876 թուին սպա-

նուել է 374 հողի, այնպէս որ իւրաքանչիւր գնացքին, որ անցել է 65 հազար վերստ, ընկնում է միայն մի սպանուած: Բայց եթէ երկաթուղիով ճանապարհորդողներին ստիպէինք ձիով ճանապարհորդել 65 հազար վերստ, անշուշտ ոչ թէ մէկ հատ, այլ մի քանի հարիւր մարդ կը մեռնէր: Եւ իրաւ որ ձիով ճանապարհորդելիս աւելի շատ մարդ են սպանուում, բայց սրա մասին ոչ որին յայտնի չէ: Եթէ ճանապարհին ձին խփում սպանում է դիւղացուն, այս այսպէս էլ մնում է աննկատելի, մինչդեռ եթէ որևէ դժբաղաւորութիւն է պատահում երկաթուղու վրայ, իսկոյն հեռագրով իմաց են տալիս Պետերբուրգ, յետոյ տպում լրագրներում և ամենքն իմանում են: Համարեա թէ միևնոյնը կարելիէ ասել և շոգենաւերի մասին. նրանցով ճանապարհորդելն և աւելի աժան և աւելի շուտ է կատարուում, քան հասարակ նաւերով, որոնք չեն լողում շոգիի միջոցով:

Մեծ, շատ մեծ է երկաթուղիների և շոգենաւերի օգուտը: Այնտեղ, ուր առաջ ամբողջ ամիսներ և հարիւրաւոր բուբլիներ էին ծախսուում, այժմ միայն միքանի օր և միքանի ուրբիներ են գնում: Այնտեղ, ուր առաջ նաւատիրների հեծեծանքն էր լուում, որոնք իրենց կրթքով էին առաջ շարժում նաւերն, և երկար ու դժուար ճանապարհորդութիւնից յոգնած հետուորդներ էին պատահում, այժմ լուում են շոգենաւերի ուրախ սուլոցները. շոգենաւերի, որոնք իրենց յետևից տանում են նաւերի մի ամբողջ շարք, իսկ արագավազ շոգեկառքերի լուսամուտներից երևում են երբեմն ճանապարհորդ-

ների անհոգ դէմքերը: Հարկաւոր է որևէ գործ, պարապմունք գտնել, — և ամենախեղճ մարդն էլ կարողէ գնալ այնպիսի տեղ, որի մասին առաջ մտածել անգամ չէր կարող: Աժանագին ճանապարհորդութեան շնորհիւ, շատ մարդիկ հնարաւորութիւն են ունենում այնպիսի բաներից օգտուելու, որոնք առաջ անհասանելի էին նրանց գրպանին: Ամեն տեսակ ապրանքներ, արագ և աժանագին տեղափոխութեան շնորհիւ, շուտ վաճառում են, առևտրական յարաբերութիւնները բազմամուս են, յարմարագոյն և մշտատե հաղորդակցութիւն է հաստատուում զանազան երկրների մէջ, մէկ երկրի մարդիկ շատ բան են սովորում օտար երկրներում և այդպէս օգտակար գիւտերը դառնում են ընդհանուրի սեփականութիւն. մի խօսքով դժուար է մինչև անգամ մի աւ մի թուել այն բոլոր օգուտները, որ տալիս են շոգենաւերն ու երկաթուղիները: Բայց ո՞վ չը գիտէ այս: Բայց շատերը գիտեն արդեօք գոնէ մի բան այն մարդկանց մասին, որոնք այնքան երկար տարիներ աշխատել են, որպէսզի յաջողուէր իրենց ստիպել շոգուն շարժողութեան մէջ ձգելու ապրանքներով և մարդկանցով բեռնաւորուած շոգենաւերն և շոգեկառքերը (գնացքները):

Այն մարդիկ ամերիկացի Փուլտոնն և անգլիացի Ստեֆենսոնն են:

Ինչ նրանցից առաջ շատերն աշխատել են գործածել շոգու գորութիւնը մեր օգտին, բայց նրանք առաջինը վճռեցին այս ինդիլըն և այս պատճառաւ այս մեծ մարդկանց ոչ միայն անուններն, այլև կեանքը պէտք է յայտնի

դառնան ամենքի համար:

Ռորերտ Փուլտոնը ծնաւ առաւել քան հարիւր տարի մեզանից առաջ (1765 թ.) Ամերիկայում, մի փոքրիկ գիւղում: Նրա ծնողները շատ խեղճ էին և մեծ ընտանիքով ծանրաբեռնուած: Դժբախտաբար նրա հայրը մեռաւ շատ վաղ, թողնելով իւր որդուն իւր հինգ զաւակներով գոյութեան առանց ամենայն միջոցների: Այս միջոցին Ռորերտը մօտ 3 տարեկան էր, ուստի իւր ամենամատաղ հասակից ստիպուեցաւ ծանօթանալ կարիքի հետ, ըստ որում նրա ընտանիքը հազիւ հազ կարողանում էր օրուան պարէնը հայթհայթել. յայտնի բան է, որ մի այդպիսի վիճակում լաւ կրթութեան մասին խօսք անգամ չէր կարող լինել: Ճշմարիտ է, Ռորերտը գրել կարգալ սովորեց գիւղական ուսումնարանում, բայց սրանով էլ սահմանափակուեցաւ նրա դպրոցական ուսումն: Մի ուրիշը սրանով էլ կը բաւականանար, բայց նաւազնացութեան ապագայ հնարողին այսքանն չափազանց քիչ էր, և նրան չէր վիճակուած սովորական ընթացքով շարունակելու իւր կեանքի շաւիղը: Իւր մանկութեան օրերից նա սկսեց սիրել նկարչութիւնն և մեքենագիտութիւնը (механика), և այն միջոցին, երբ ուրիշ մանուկները զբաղոււմ էին իրենց հասակին յատուկ խաղերով, Փուլտոնը պարապում էր իւր սիրած առարկաներով: Տօն օրերին նա այցելում էր զանազան արհեստանոցներ, ուր անց էր կացնում օրուայ մեծ մասն. սովէն ինչ անձամբ քննելով, հարցուփորձ անելով. կամ թէ տանը մնում էր նկարչութեամբ


կամ մի որ և է մերենագիտական գործով պարապելու համար:

Երբ Փուլտոնը 12 տարեկան դարձաւ, նրա մայրն այլ ևս անհնարին գտնելով տանը պահել որդուն, ստիպուած էր նրան ոսկերչուն աշակերտութեան տալ Ֆիլադելֆիա քաղաքում:

Բայց այդ արհեստը շատ ծանր թուաց Փուլտոնին, որովհետև թէ աշխատանքը շատ էր և թէ, որ գլխաւորն էր, ազատ ժամանակ շատ քիչ էր մնում զբաղուելու իւր սիրած առարկաներով: Բայց Փուլտոնը չը վհատուեց և այնուամենայնիւ, որքան նրան ժամանակն ու ոյժերը ներում էին, եռանդով պարապում էր իւր սիրած գործով և մանաւանդ նկարչութեամբ: Նրա առաջադիմութիւնը նկարչութեան մէջ շատ մեծ եղաւ, այնպէս որ 17 տարեկան հասակում արդէն այնքան էր վաստակում, որ կարողանում էր պահել ոչ միայն իրեն, այլ և իւր մօրը: Յայտնի բան է, Փուլտոնը թողեց ոսկերչութիւնը և անձնատուր եղաւ նկարչութեան: Սկզբում նա գանազան պատկերներ էր նկարում և փողոցներում ու հիւրանոցներում վաճառում. յետոյ սկսեց մարդկանց պատկերները նկարել և վերջապէս հիմնեց իւր սեպհական արհեստանոցը: Գործը լաւ գնաց և չորս տարուայ անխոնջ աշխատութիւնից յետոյ, Փուլտոնի ձեռքն ընկաւ բաւական մեծ քանակութեամբ փող: Նրա առաջին գործն եղաւ ազահովացնել իւր մօրը: Ուստի նա այս փողով գնում է մի ազարակ: Նրա պառաւ մայրը տեղափոխուում է ազարակն և սկսում է ապրել հանգստութեան մէջ. հանգստացաւ հիմայ և Փուլտոնը, մայրը ազատ էր

ամեն տեսակ տառապանքներից, այժմ, նշանակում է, կարող էր մտածել և իւր մասին: Փուլտոնի ծանօթներից մէկը նրան խորհուրդ տուեց գնալ Լոնդոն և կատարելագործուիլ նրկարչութեան մէջ: Յայտնի բան է, Փուլտոնը միջոցներ չունէր մի այդպիսի ճանապարհորդութիւն յանձն առնելու, բայց նրան միջոցներ տուեց նրա նոյն ծանօթը: Եւ ահա մի քանի ժամանակից յետոյ Փուլտոնը եկաւ Լոնդոն և սկսեց պարապել նկարչութեամբ: Թէպէտև նրա պարապմունքներն ևս յաջող էին գնում, բայց նա երկար չպարապեց նկարչութեամբ, որովհետև նկատեց որ իւր թողած մերենագիտութիւնը աւելի ու աւելի նրա միտքն է զբաղեցնում: Թողնելով նկարչութիւնը, նա սկսեց պարապել մերենագիտութեամբ այն միակ մտադրութեամբ, որ այն կատարելապէս իւրացնի, կանգ չառնելով ոչ մի խոչընդոտի առաջ: Մօտ 3 տարի նա անցկացրեց գործարաններում և գործատներում, գործնականապէս ծանօթանալով գանազան մերենաների հետ: Եւ այս ժամանակը անօգուտ չանցկացրեց Փուլտոնը, նրա գիտութեանը կարող էին նախանձել մերենագիտական ուսումնարանում աւարտած աշակերտներից շատերը:

Այս միևնոյն միջոցին նա պատահաբար ծանօթացաւ իւր մի հայրենակցի հետ, որի անունն էր Ռէմզէյ: Բանից երևաց, որ երկուսն էլ միևնոյն մտքով էին զբաղուած. այն է իւր հայրենիքի համար մի այնպիսի նաւատորմ ըստեղծել, որ կարողանար մրցել անգլիական նաւատորմի հետ, որ իւր ձեռքն էր առել ծովա-



ին բոլոր առուտուրը: Այս նպատակին հասնել, նրանք մտածում էին, կարող են շոգու ոյժը նաւագնացութեանը յարմարեցնելով: Ռէմզէյի կազմած յատակագիծը այս գործի համար հաւանութիւն չըգտաւ Փուլտոնի կողմից, և ահա սրանք երկուսը միասին սկսում են աշխատել միևնոյն գործի վրայ:

Բայց, տարաբաղտաբար, Ռէմզէյ շուտով մեռաւ, իսկ առանց նրան Փուլտոնը չէր կարող սկսած գործը շարունակել, որովհետև շատ փող էր հարկաւոր որ Փուլտոնը չունէր: Բայց այս միտքը հանգստութիւն չէր տալիս Փուլտոնին:

Այս միջոցներումն էր, որ անգլիական կառավարութիւնը յանձնեց Փուլտոնին, որ մի որոշ չափով հռչակ էր ձեռք բերել, զբաղուել կառուցուած ջրանցքների բարեկարգութեամբ և նորերը կառուցանել. այս յանձնարարութիւնը նա փայլուն կերպով գլուխ բերեց, բայց այն գործը, որը Փուլտոնի առանձին հոգացողութեան և մտածութեան առարկայ էր, շատ քիչ առաջ գնաց. ի գուր գիտումներ արաւ նա կառավարութեան և ուրիշ գանազան ընկերութիւններին, ապացուցանելով նրանց շոգու ոյժի գործադրութեան օգուտները նաւագնացութեան համար, — ոչ մի տեղ և ոչ որից նա պաշտպանութիւն չըգտաւ: Աշմարիտ է, որ նրան Փրանսիա հրաւիրեցին ջրանցքներ կառուցանելու, բայց ջրանցքները չէին նրան հետաքրքրում. յաջողութեամբ և այս գործը կատարեց և մինչև անգամ հնարեց էլ մի քանի մերենաներ, որոնք անհրաժեշտ էին այս գործի համար և իւր այս բոլոր աշխատութիւնների

փոխարէն մի քանի շնորհակալական նամակներ և պատուաւոր շքանշան (медаль) միայն ստացաւ նա Բացի սրանից փորձեր կատարելու համար հարկաւոր դրամը, որի մէջ ամենից աւելի կարիք էր զգում Փուլտոնը, ոչ որ չէր համաձայնում տալ նրան, նոյն իսկ գործը շատ կասկածելի համարելով: Սակայն գտնուեցաւ մի մարդ Փարիզում, Ամերիկայի դեսպան Բարիգօ, որ Փուլտոնին առաջարկեց ապրել իւր տանը և զբաղուիլ իւր գործով: Այս բանն էլ ուրախութիւն պատճառեց Փուլտոնին: Նա վճռեց նախազատրաստել իրեն և լրացնել գանազան գիտութիւնների պակասը: Հարունակելով մերենագիտութեամբ պարագել, նա ուսաւ ֆրանսիական, գերմանական և իտալական լեզուները, մաթեմատիկան, ֆիզիքան, քիմիան և այս առարկաների ուսումնասիրութեամբ նա զբաղուեց 7 տարի շարունակ: Փուլտոնն անգաղար աշխատում էր: Նա կարգում էր այն ամենը, ինչ որ կարող էր օգուտ տալ իրեն, աշխատում էր ծանօթանալ գիտական մարդկանց հետ, և ամեն տեսակ ընթերցանութեամբ, զրոյցներով և վիճաբանութեամբ ուսումնական առարկաների մասին խիստ մեծացրեց իւր գիտութիւնների պաշարը: Բացի սրանից, մասնակցելով մի շատ շահաւէտ ձեռնարկութեան, բաւականին մեծ փող վաստակեց: Բայց և այնպէս այս փողերը բաւական չէին Փուլտոնի մտադրութեան իրագործման համար և միայն երեք տարուց յետոյ ֆրանսիական կառավարութիւնից ստացաւ մի գումար մի մեծ ջրասոյգ նաւ շինելու համար: Կատարուած փորձերն առաջին անգամ

ոչ բոլորովին յաջողուեցան. նաւը ծանծաղու-
տի վրայ նստեց. բայց երկրորդ փորձը կատա-
րելապէս յաջողուեցաւ: Մի հատ նաւաստիի ըն-
կերակցութեամբ և մի վառած մոմի պաշարով,
Փուլտոնը ջրասոյգ եղաւ իւր նաւով: 20 բոպէի
չափ նաւը անյայտացաւ ջրի տակը, և յետոյ
ջրից դուրս եկաւ ինք խորատուզուած վայրից
բաւական հեռու, յետոյ նորից աներևոյթացաւ և
ջրի տակով վերադառնալով իւր նախկին տեղը,
ջրի երեսը գուրս եկաւ: Հետեւեալ տարին կրկին
փորձ կատարելով միևնոյն նաւի հետ, մի ան-
գամ ջրի տակը մնաց 4 ժամ և դուրս եկաւ
ջրի երեսը 25 վերստ հեռու այն տեղից, որ-
տեղից ջրասոյգ էր եղել: Բայց ոչ միշտ յաջող
էին վերջանում նրա կատարած փորձերը: Այն
ժամանակ հարկ էր լինում կրկնել փորձերը, ո-
րոնց համար փող էր պէտք լինում, ուստի ստի-
պուած էր դիմել նախարարութեան, որն և հրա-
ժարուեց Փուլտոնին հովանաւորելու պարտա-
ւորութիւնից, և վերջապէս հազորդեց նրան, որ
չէ ցանկանում մասնակցութիւն ունենալ նրա
անխրադործելի ձեռնարկութիւնների մէջ: Բայց
կարո՞ղ էր արգեօք Փուլտոնն այնքան բազմա-
մեայ աշխատութիւններից և ջանքերից յետոյ
թողնել իւր գազափարը: Նա արդէն խորհում
էր Ամերիկայ վերադառնալ և այնտեղ նորից
փորձել իւր բաղդը, որ այդ միջոցին ամերիկա-
կան նոր գեսպան Լիվինգստոնն առաջարկեց
նորան բնկերանալ իրեն շոգային նաւագնացու-
թեան գործի մէջ խոստանալով նրան տալ ի-
րեն այդ գործի համար հարկաւոր դրամը: Յու-
սազրեալ Փուլտոնը նոր եռանդով ձեռնամուխ


է լինում գործին: Սկզբում շինուեց պղնձեայ
մի փոքրիկ շոգենաւ և, երբ նորից փորձը յա-
ջողուեցաւ, Փուլտոնը աւելի մեծ շոգենաւ շի-
նեց, որը և պէտք է վերջնականապէս վճռէր
շոգային նաւագնացութեան հնարաւորութեան
կամ անհնարաւորութեան հարցը: 1803 թուա-
կանի սկզբին շոգենաւը պատրաստ էր և փոր-
ձը նշանակուած էր Պարիզում Սենա գետի վը-
րայ: Փուլտոնը՝ վստահ իւր յաջողութեան վը-
րայ, անհամբեր սրտով սպասում էր այն բո-
պէին, երբ պէտք է իջեցնէին իւր նաւը ջուրը,
որ յանկարծ մի գժբաղդութիւն պատահեց,
դարձեալ յետաձգելով Փուլտոնի գործը: Փորձի
օրուան առաւօտն եկան յայտնեցին Փուլտոնին,
որ նրա շոգենաւն երեւի անկարող լինելով տա-
նել նրա մէջ սարքուած մեքենայի ծանրութիւ-
նը գիշերով մրրկի միջոցին մաս մաս եղաւ և
ջրի տակովն ընկաւ: Փուլտոնը սաստիկ վշտա-
նալով և յուզուելով այս լրի վրայ իսկոյն գը-
նաց դժբաղդութեան վայրը և շտապեց ամենից
առաջ դուրս բերել ջրից մեքենան և ապա նա-
ւի բեկորները: Ամբողջ օրեր և գիշերները աշ-
խատում էին մշակներն և նրանց թոււմ քրքա-
նաթոր ամենից աւելի աշխատում էր ինքն
Փուլտոնը. նա իւր սեպհական ձեռքերով ջրի
ալիքներից դուրս հանեց իւր թանգազին մեքե-
նան, առանց մի բոպէ հանգստանալու կամ
ճաշելու: Մեքենան փրկուած էր, բայց ինչ
վերաբերում էր նաւին, նա ջարդուփշուր էր
եղած և հարկաւոր էր նորից կառուցանել նը-
րան: Պէտք է ասել, որ շոգենաւի կործանումն
առաջացել էր ոչ մրրկից և ոչ էլ մեքենայի

ճանրութիւնից, այլ նրանից որ Փուլտոնի թըշ-
 նամիները, որոնց թիւը շատ էր, գիշերը նաւը
 քանդել և ընկղմել էին ջրի մէջ: Չը նայելով
 այդ տեսակ աշխատութիւնների դժուարու-
 թեան, որովհետև այն ժամանակ չըկային այդ
 գործի համար ոչ հարկաւոր գործիքներ և ոչ
 էլ փորձառու արհեստաւորներ, Փուլտոնն այ-
 նուամենայնիւ շրջուտահատուեցաւ. շոգենաւը
 կէս տարուց յետոյ նորից պատրաստ էր, որն
 իջեցնելով Սենայի ջրի մէջ ի մեծ գարմանս
 բազմաթիւ հանդիսականների, փառաւորապէս
 լողաց գետի վրայ: Յաջողութիւնը կատարեալ
 էր. թուում էր թէ գործն այս անգամ բոլորովին
 յաջող վախճան ունեցաւ. բայց ոչ. նորից մի
 նոր արգելք երևաց, այդ միջոցին ֆրանսիական
 կառավարութեան նոր գլուխ անցած նապոլէօն
 Բօնապարտը պատերազմ ունեցաւ, որ այնքան
 յաջող էր, որ ֆրանսիացիների գլուխը բոլորո-
 վին պտտեց, այնպէս որ նրանք ամեն բան մո-
 ռացան և միայն պատերազմական յաջողութիւն-
 ների վրայ մտածեցին: Ուրեմն զարմանալի էլ
 չէր, որ Փուլտոնն գիւտի վրայ, որքան էլ նա
 մեծ լինէր, ուշադրութիւն չըղարձնէին: Մը
 ժամանակ Փուլտոնը զիմեց ֆրանսիական կա-
 ռավարութեան, որպէս զի սա իւր գիւտն իւր
 հովանաւորութեան ներքոյ առնէ, բայց նա այն-
 քան անմիտ գտնուեցաւ, որ մերժեց այդ խըն-
 դիրը: Սակայն Փուլտոնը շատ էլ չը տխրեց այդ
 մերժումի առիթով, նա ֆրանսիայի համար չէր
 աշխատել, այլ իւր հայրենիքի համար, ուստի
 և նա այնտեղ վճռեց գնալ: Փուլտոնը բացի շո-
 գենաւից, ուրիշ նոր գիւտեր էր արել, օրինակ

այնպիսի գործիքներ էր հնարել, որ նրանց մի-
 ջոցով յաջողութեամբ կարելի էր ոչնչացնել ա-
 մենայն տեսակ նաւեր: Այս վերջին հանգաման-
 քը ստրպել էր Անգլիային փորձ փորձել գնելու
 Փուլտոնից այդ տեսակ գիւտերի գաղտնիքը,
 որպէս զի Անգլիայի նաւատորմիցը չը վնասուէր
 այդ նորահնար կործանիչ գործիքներից: Նրան
 առաջարկեցին մեծ գումար, որպէս զի հրա-
 ժարուէր նրանց գործադրութիւնից, բայց Փուլ-
 տոնը չըհամաձայնուեց աշխատելու ոչ մի բանի
 համար:

1806 թուին Փուլտոնը Էմերիկա վերադար-
 ձաւ, բայց սկզբներուս յաւատի էլ անվստահու-
 թեան հանդիպեցաւ Ասպիկէրը, որատարնում էին
 Փուլտոնի ձեռնարկութիւնը, համարելով նրան
 անիրագործելի և ցնորական: Ճիշտ է, որ չը-
 նայելով սրան, կառավարութիւնը այնուամե-
 նայնիւ Փուլտոնին տուեց 6000 ըուբլի, բայց
 այս գումարը չափազանց քիչ էր շոգենաւի կա-
 ռուցման համար, և Փուլտոնը ստիպուած էր
 ընկերներ որոնելու: Նա առաջարկում էր ըն-
 կերակիցներին նոր ձեռնարկութիւնից ստանա-
 լիք եկամուտի մի որոշ մասը, բայց ոչ որ չէր
 համաձայնում, ոչ որ չէր հաւատում գործի յա-
 ջողութեանը և չէր կամենում ի գուր տեղը փող
 ծախսել: Բայց և այնպէս Փուլտոնին յաջողուեց
 վերջացնել մի մեծ շոգենաւի կառուցումն, և
 «Կլերմոնտը», այսպէս էր կոչւում նոր շոգենա-
 ւը, ջուրը թողնուեցաւ Նիւ-Եօրքի նաւահան-
 պրատում: Փողովըրի տաժամ անվստահութիւնն
 գէպի Փուլտոնն և ատելութիւնը գէպի նրա նո-
 բահնար գիւտերն այնքան մեծ էին, որ երբ նա

5001
 21916



երևաց լողալու պատրաստ շոգենաւի տախտակամածի վրայ, ծիծաղի եկած խուռն ամբոխը նրան ամենայն խայտառակութեամբ և աղմկալից ծաղրով ընդունեց: Բայց շուտով ծաղրն ու ծիծաղը խաղաղուեցան, և բոլորի դէմքերի վրայ դրօշմուեց ամենամեծ զարմանք. երբ մեքենան սկսեց առաջ գնալ ծովի ալիքները ճեղքելով: Ամբոխի զգացմունքները մի բոպէտում փոխուեցան և Ֆուլտոնի ականջին էին հասնում զարմացման և ուրախութեան աղաղակներ: Բայց ո՞րքան աշխատութեան, ո՞րքան արգելքների, անյաջողութիւնների և ամեն տեսակ անբաւականութիւններին հանդիպեցաւ Ֆուլտոնը, մինչև որ կրգար կրհասնէր այս լուսապայծառ բոպէն: Անտարակոյս, 1807 թ. օգոստոսի 11-ը ամենաբաղդաւոր օրն էր Ռոբերտ Ֆուլտոնի կեանքում: Ոչ ամեն կողմից նրա վրայ թափւող գովասանքներն էին նրան ուրախացնում, ոչ գովեստների ու ցնծութեան աղաղակների, ոչ էլ ծաղրի ու սուլոցի վրայ էր ուշադրութիւն դարձնում Ֆուլտոնը,—նա լիովին գրազուած էր իւր շոգենաւով, իւր այնքան մրտածութիւնների և աշխատութիւնների առարկայով. նա ուշի ուշով դիտում էր նրա ընթացքին, աշխատելով նկատել, թէ չկան արդեօք որևէ խանգարումներ, վերանորոգման կարօտ: Իրաւ մի քանի խանգարմունքներ ի նկատի առնուեցան և շինուեցան: Մի քանի օրից յետոյ, ինչպէս երևում է, յայտարարութիւն եղաւ Նիւեօրքի լրագրներում, թէ այս ինչ օրն և այս ինչ ժամին «Կլերմոնտ» շոգենաւն ուղևորուելու է Ալբանի քաղաքը ճանապարհորդներով և ապ-

րանքով և թէ այնուհետև հաստատուում է մրշտական և կանոնաւոր շոգենաւային երթևեկութիւն: Եւ ինչ: Չընայելով որ մի քանի օր առաջ հազարաւոր մարդիկ ականատես էին եղել «Կլերմոնտի» յաջողութեան, չընայելով, որ շատերը ափսոսել էին թէ ինչու չէին մասնակցել այդ ձեռնարկութեանը, այնուամենայնիւ ոչ ոք չէր վճռում ոտք դնել շոգենաւի տախտակամածի վրայ. ումանք կասկածում էին շոգու զօրութեամբ ջրի վրայ շրջելու հնարաւորութեան վրայ, ումանք էլ չէին վճռում երկիւղից,-- և Ֆուլտոնը Ալբանի քաղաքը ուղևորուեց միայնակ. բայց Ֆուլտոնի վերադարձը մի փոքր աւելի յաջող եղաւ. նա ունեցաւ մի ճանապարհորդ, որ այդ միջոցներին գտնուելով Ալբանի քաղաքում վճռեց շոգենաւով վերադառնալ իւր հայրենիքը: Երբ որ այս առաջին և միակ ճանապարհորդը Ֆուլտոնի ձեռքը դրեց 6 դոլլար (մօտ 7 1/2 բուրլի), իբրև վճար մի քաղաքից միւսը տեղափոխուելու համար—Ֆուլտոնի աչքերը արասուքով լցուեցան և նա երկար ու լուռ նայում էր փողերին: Ճանապարհորդը չափազանց զարմացած մնացել էր. նա այնպէս էր կարծում, որ մի գուցէ սխալուած լինէր, որ նա նրան լաւ չէր լսել և տուել էր աւելի քիչ, քան հարկաւոր էր, բայց Ֆուլտոնը շտապեց նրան հանգստացնել և ներողութիւն խնդրեց իւր անտեղի շփոթութեան առթիւ: «Գիտէի, առաց նա, թէ բանը ինչումն է, այս 6 դոլլարը, որ դուք ինձ տուիք, առաջին վարձատրութիւն է իմ բոլոր բազմամեայ աշխատութիւնների համար: Ես ձեզանից շատ շնորհակալ եմ.

և երբէք ձեզ չեմ մոռանալ: Չատ կրցանկայի ձեզ հետ խմել մի շիշ լաւ գինի իմ այս ձեզ հետ ունեցած ծանօթութեան ամենապայծառ րոպէին, բայց ես շատ խեղճ եմ ներկայումս: Գուցէ Աստուծով մենք միմեանց հանդիպենք աւելի յաջող հանգամանքներում: Բայց օրէցօր ճանապարհորդների թիւը աւելի ու աւելի բազմանում էր, և շուտով այլ ևս չէին պակասում ոչ ապրանք, և ոչ ճանապարհորդ: Եւ այսպէս շքնայելով իւր ճանապարհին պատահած անյաջողութիւններին և բոլոր արգելքներին, Փուլտոնն այնուամենայնիւ հասաւ իւր նպատակին: Ծանր էր մղած կռիւն և ոչ ամենքի բան, սակայն Փուլտոնը կարողացաւ յաղթել թէ տգիտութեան և թէ անբարեացակամութեան, որոնք միշտ խոչընդոտ էին լինում նրա ճանապարհին: Այժմ այլևս այս կռիւն արդէն ոչ մի առանձին դժուարութիւններ չէր ներկայացնում—չափազանց ակներև էր շոգենաւի օդտակարութիւնը: 1811 թուին Փուլտոնը չորս շոգենաւ շինեց և միևնոյն ժամանակ նպաստեց նորանոր շոգենաւային ընկերութիւնների հաստատման, իսկ մի քանի տարուց յետոյ Հիւսիսային Ամերիկայի բոլոր գլխաւոր գետերի վրայ շոգենաւերի ծուխն էր բարձրանում, որոնք առուտուր էին գարգացնում և կրթութիւն տարածում վայրենի և համարեա անմարդաբնակ երկրներում: Այժմ 15 հազար շոգենաւից աւելի ամենայն ուղղութեամբ լողում են ծովերի և գետերի վրայ:

Ներկայումս ընդհակառակը անմիտ կանուսէին այն մարդուն որ մերժէր շոգենաւերի օգուտը:

1814 թուին Փուլտոնը ուզեց մի ահագին շոգենաւ շինել, որ շատ նշանաւոր պէտք է լինէր թէ իւր մեծութեամբ և գեղեցկութեամբ և թէ իւր արագընթացութեամբ: Բայց Փուլտոնին չէր վիճակուած տեսնել իւր ապագայ շոգենաւը: Մի օր, իւր մի շոգենաւային ուղևորութեան միջոցին, սաստիկ ցուրտ արաւ. ջուրը սառեց և շոգենաւը մի քանի ժամ կանգնած մնաց սառցի մէջ: Այս բանը անվնաս չանցաւ Փուլտոնի համար, նա խիստ տենդ ստացաւ, և թէպէտ առողջացաւ, բայց այս հիւանդութիւնը սաստիկ քայքայեց նրա առողջութիւնը, և շուտով տենդը կրկնուելով մահուան անզուժ հրեշտակը՝ 1815 թ. 24 ին փետրուարի՝ յիսուն տարեկան հասակում տարաւ նրան գերեզման...: Նրանից յետոյ մնացին նրա կինն և նրա չորս որդիքն, որոնց ոչինչ չըթողեց բացի իւր փառաւոր անունից: Փուլտոնը, շոգային նաւագընացութեան հնարողն, որ իւր գիտով պատճառեղաւ միլիօնաւոր մարդկանց հարստութեան, իւր ամբողջ կեանքն անդուլ աշխատանքի մէջ անցկացնելով՝ գրեթէ ոչինչ չըթողեց իւր որբացած ընտանիքին բացի իւր փառքից: Փուլտոնի մահը մեծ ցաւ պատճառեց ամերիկացիներին: Երբէք մինչ այդ ժամանակ ոչոքին այնպիսի պատուով և հանդիսով չէին թաղել, որ թէև իւր ամբողջ կեանքում չէր վարել ոչ մի հասարակական պաշտոն, բայց որ սակայն իւր տաղանդով և իւր ջանասիրութեամբ ահագին ծառայութիւն էր մատուցել ոչ միայն ամերիկացիներին, այլև ամբողջ մարդկութեան:

Եւ այսպէս Փուլտոնի շնորհիւ, մարդիկ շո-

զին իրենց գործիք շինելով ջրերի վրայ շրջեցին, թէև դեռ մնացել էր անելի կարևորը, շոգու միջոցով ցամաքի վրայ ևս շրջելու: Այս նրպատակին էլ շատ շուտով հասան, արդէն կար մի մարդ, որ պարագում էր այդ գործով. և դա էր Ստեֆենսոնը: Եւ ուրեմն այժմ խօսենք այդ մարդու կեանքի մասին:



Ս Տ Ե Ֆ Ե Ն Ս Ո Ն

ԳԷՈՐԳ ՍՏԵՖԵՆՍՈՆ

Ուրիշեամ անունով անգլիական մի գիւղի մէջ մինչև այժմ ցոյց են տալիս մի տնակ, որի մէջ ծնուել է 1781 թուին մի ուրիշ նշանաւոր մարդ, Գէորգ Ստեֆենսոնը, երկաթուղիների հնարողը:

Ստեֆենսոնի հայրը ծառայում էր քարածուխի հանքերի ջրհան մեքենայի հրավառի պաշտօնով, ամսական 18 րուբլի թոշակադրամ ստանալով: Այս ընտանիքը, որ բաղկացած էր հօրից, մօրից և վեց երեխաներից, երբեմն շատ դժուար կացութեան մէջն էր ընկնում, և թէև Գէորգի հայրն անխոնջ աշխատում էր, բայց այնուամենայնիւ կարիքն անպակաս էր այդ տնից: Ընտանիքի բեռն մի փոքր թեթևացաւ, երբ երեխաները հասակ առան. մինչև անգամ երեխանց գիւղական ուսումնարան տալու մասին յայտնի բան է խօսք անգամ չէր կարող լինել. ստիպուած էին որքան կարելի է զործի շուտ ուղարկել փոք վաստակելու նպատակով, և Գէորգն 7 տարեկան հասակից արդէն իւր աշխատութեամբն էր իւր հացը գտնում: Հա-

րևան այրի կինը վարձեց նրան կովեր արածացնելու, որի համար նրան վճարում էր օրական վեց կոպ : Գէորդը շատ սրամիտ և ժիր երեխայ էր. նա իւր մատաղ հասակից սկսած ուսանում էր իւր շրջապատողներէց այն ամենն ինչ որ օգտակար էր և յայտնի եղաւ իւր հնարագիտութեամբ : Կովերն արածացնելու ժամանակ նա շինում էր փոքրիկ ջրադացներ, կաւից ջրմուղներ և միշտ աշխատում էր շինել այն տեսակ մեքենայ, որի մօտ կանգնած բանում էր իւր հայրը : Մի խօսքով, շատ վաղուց մանկան մէջ նկատուում էր սէր դէպի մեքենագիտութիւնը, որի համար նա վերջն այնքան բան կատարեց : Յետոյ երբ նա մի փոքր մեծացաւ, նրան յանձնեցին ձիեր արածացնելը, օրական այժմ արդէն 12 կոպէկ վճառով : Բայց Գէորդի ցանկութիւնն այդ չէր. նրա գլխաւոր միտքն էր—աշխատութիւնների մէջ օգնել իւր հօրը և մօտիկ գտնուել իրեն հետաքրքրող մեքենայի մօտ : Նրա ցանկութիւնները փոքր առ փոքր կատարուեցան. նախ և առաջ նրան հարկադրեցին օգնել իւր անդրանիկ եղբօր Յակոբին, որը հանքերում աշխատում էր իբրև բանուոր և սայլակով քարածուխ էր կրում : Բայց վերջապէս երբ 14 տարեկան հասակին հասաւ, նրա իւր հրավառ հօր երկրորդ օգնական նշանակեցին : Ինչ եռանդով և աշխոյժով սկսեց իւր նոր գործը : Որքան ուրախութիւն : Եւ ինչպէս չուրախանար, թէև գործը թեթեւ չէր, բայց մօտիկ էր իւր սիրած մեքենային և բացի սրանից օրական ստանում էր 75 կոպ : Տասնուչորս տարեկան Գէորդը դեռ ևս փոքր էր և չա-

փագանց թոյլ այդքան մեծ գումարի վաստակի համար, ուստի ամեն անգամ, երբ հանքերի տեսուչը գալիս էր այցելութեան, հայրը թաք էր կացնում փոքրիկ Գէորդին : Այժմ Ստեփենսոնի ընտանիքը բարեկեցիկ դրութեան մէջն էր գտնուում, այլևս չըկար ոչ մի ձրիակեր—ամենքը աշխատաւոր էին, և ըստ իրենց հասակի որևէ բան տուն էին բերում : 18 տարեկան հասակում որդին իւր հօր առաջը կտրեց : Նրան յանձնեցին այն ջրհան մեքենայի գլխաւոր հրակողի պաշտօնը, որն եռացնում էր իւր ծերունի հայրը : Այս պաշտօնը չնչին չէր : Այս պաշտօնի համար հարկաւոր էին մեծ գգուշութիւն, հմտութիւն և ջանասիրութիւն, ըստ որում մի փոքրիկ անճշտութիւնը բաւական էր, որ մեքենայի զաղարմամբ վտանգի ենթարկուէր հանքային մշակների կեանքը : Գէորդն ամեն կերպ մեքենայի գործով էր զբաղուած. իւր պարապ մեքենայի գործով էր զբաղուած. իւր պարապ ժամերը նրա ուղղամասիրութեանն էր նուիրում, նրանով էր հրճուում, հիանում : Տօներին, երբ ուրիշները գնում էին գինետները իրենց թանգագին ժամերը խմիչքի և թղթախաղի մէջ վատնելու, Գէորդը գնում էր մեքենայի մօտ, մաս մաս քանդում, սովորում էր նրա կազմութիւնը, պակասութիւնները գտնում և միջոցներ հնարում նրան շտկելու :

Իւր այս տարօրինակ աշխատասիրութեան շնորհիւ, Գէորդը ձեռք բերեց մեծ հմտութիւն և փորձառութիւն, այնպէս որ իւր ընկերակիցներին այս բանում շատ և շատ գերազանցում էր : Միայն մի եանում նա նրանցից առաջ չէր, նա մինչև այժմ չըզիտէր այբբենը (գրել կարգալ) :

Բայց 18 տարեկան Գէորգն գրել կարգալ սովորելու մասին էլ էր մտածում: Երբ մի որևէ զբաղմունք բանուոր կարգում էր նրան լրագիր, որի մէջ շատ բան էր գրուած լինում զանազան գիւտերի մասին, շատ էր հետաքրքրում Գէորգը: Նա շատ էր կամենում կարգալ այն զբաղմունքները, որոնց մէջ գրուած էր լինում զանազան մեքենաների մասին—և նա վճռեց կարգալ սովորել: Մօտակալ գիւղում մի փոքրիկ ուսումնարան էր գտնուում, ուրև սկսեց յաճախել Գէորգը, շաբաթըն 3 անդամ, ամսական 30 կոպէկ վճառով: Տարուայ վերջը նա սովորեց բաւականաչափ կարգալ և ստորագրել իւր անունը: Յետոյ նա սկսեց ման գալ մի ուրիշ ուսումնարան, ուր բացի գրել կարգալուց, թուաբանութիւնն էլ էին սովորեցնում: Բայց նա այնտեղից շատ շուտ դուրս եկաւ, որովհետև թուաբանութիւնից շատ շուտ անցաւ մինչև այսպէս կոչուած երրորդական կանոնները, որից աւելին ինքն ուսուցիչն էլ չըզգիտէր:

Ահա այժմ նա ինքն իրեն էլ կարող էր բան սովորել. միայն ցան այն էր, որ գրքեր էին պէտք, և որ գլխաւորն է, այդ գրքերը թանկ արժէին: Թէպէտև Գէորգը մեծ վարձատրութիւն էր ստանում, բայց դա բաւական չէր գրքեր առնելու: Բայց նա մի ուրիշ միջոց գտաւ փող վաստակելու. նա կօշիկներ կարկատել սովորեց: Կործը լաւ գնաց, պատուէրներ միշտ լինում էին, ուրեմն աւելորդ փողն էլ միշտ վաստակում էր: Զուտով նա մինչև անգամ մի փոքր գումար էլ հաւաքեց, փոքրիկ տուն գնեց, ամուսնացաւ և աւելի եռանդով սկսեց աշխատել: Կարճ ժա-

մանակամիջոցում նա արդէն սովորեց ոչ միայն կարկատել, այլև կարել նոր կօշիկներ և հողաթափներ մշակների շրքեր ձեւել և ժամացոյցներ շտկել: Վերջին արհեստը նա սովորեց մի զէպքի առիթով. մի օր նրա բացակայութեան միջոցին, տունը կրակ ընկաւ. լժէկ շուտով հրդեհը հանգրբին, բայց տակն ու վրայ եղան տան բոլոր իրեղէնները: Ամեն տեղ թափթփուած ընկած էին տան կահ կարասիքը, փչացած իրերն, որոնց մէջն էր և պատի ժամացոյցը, տան ամենալաւ բանը: Ինչ պէտք էր անել: Ծան թմերը խորհուրդ տուին նրան քաղաք տանել ժամագործի մտ զբաղելու, բայց Գէորգը մտածեց որ ժամագործը խիստ թանկ կըշխի, ուստի վճռեց որ ինքն ուղղէ ժամացոյցը: Ժամացոյցը ուղղեց հիանալի կերպով և այնուհետև բոլորն, որոնք կարիք ունէին ժամացոյցն ուղղել տալու, գիմում էին Ստեֆենսոնին, և այս կողմնակի գործն էլ եկամտի բաւական լաւ աղբիւր եղաւ: Բայց շուտով Ստեֆենսոնին մի ծանր դժբաղդութիւն պատահեց. իւր սիրելի կինը վախճանուեց, թողնելով մի ծծկեր առու զաւակ, Ռորերտ անունով, որը, պէտք է այստեղ նկատել, յետոյ նոյնպէս ամբողջ աշխարհին յայտնի մարդ եղաւ: Այս միջոցին Ստեֆենսոնը մի նոր, շատ լաւ տեղ ստացաւ, և հիմայ կարող էր արդէն գումար հաւաքել, որը կարող էր նրան մեծ օգուտ տալ: Բայց մի նոր գժբաղդութիւն արգելք եղաւ այդ բանին: Անպիայի և Փրանսիայի մէջ պատերազմ ծագեց, որը պահանջում էր նոր զինուորներ և Ստեֆենսոնին ընկաւ վիճակ զի-

նուր գնալու: Չատ դժուար էր նրա համար բաժանուել իւր սիրած մեքենաներից, բաժանուել իւր մանուկից, ուստի իւր բոլոր վաստակած փողերը տուեց այն մարդուն, որը համաձայնուեց նրա փոխարէնը գինուր գնալու: Եւ նորից ձեռնամուխ եղաւ իւր գործին: Այժմ ծանր ժամանակներ էին հասել. երկրին վիճակը շատ ողբալի էր, ժողովուրդը անքում էր ծանր հարկերի լծի տակ, գործերը կանգնել էին: Մի խօսքով պատերազմն երկրի թշուառութեան պատճառ էր դարձել: Ինքն Ստեֆենսոնը, կըրթութիւն չբատանալով հանապազ կռուելով զանազան խոչընդոտների հետ, հասկացել էր որ զրանց մեծ մասը տգիտութիւնիցն էր առաջանում, ուստի վճռեց, ինչպէս որ լինէր, իւր որդուն լաւ կըրթութիւն տալ:

Ահաւասիկ հէնց այս բանի համար նա ըսկսեց իւր գործն—աւելի մեծ եռանդով օր ու գիշեր աշխատում էր, կօշիկներ էր կարում, շորեր էր ձեռում, ժամացոյցներ էր ուղղում, մի խօսքով փող էր վաստակում, ինչպէս որ կարող էր, որպէս զի փող աւելացնէ այն գումարին, որ նշանակուած ունէր իւր որդու կըրթութեան համար: Չատ անգամ ամբողջ օր աշխատելուց յետոյ, փոխանակ հանգստանալու, ամբողջ գիշեր անց էր կացնում մի որևէ ժամացոյց ուղղելու կամ մի այլ բան շինելու վրայ: Այսպէս էին անցնում նրա օրերն: Երկար պիտի տնէր նրա այս օրինակ կեանքն, եթէ մի զէպք թոյլ չբտար Ստեֆենսոնին ցոյց տալու իւր հմտութիւններն ու ընդունակութիւնները: Մի հարուստ արգիւնարերական ընկերութիւն սկսել

էր հանքային աշխատութիւններ մեծ ծաւալով: Փորել էին մի խորը: ստորերկրեայ ջրհոր և դրբել էին ջրհան մեքենայ, որը չէր գործում: Չատ մեքենագէտներ և ճարտարագէտներ (ինժիներ) աշխատել էին, բայց ոչինչ չէին կարողացել անել. ջուրը սպառնում էր հեղեղել աշխատութիւնները: «Մենք կըրխեղղուենք և նրանց էլ կըրխեղղենք», պատասխանեցին մշակները, երբ Ստեֆենսոնը մի անգամ հարցրեց նրանց մեքենայի մասին:

Վերջապէս նա չըկարողացաւ համբերել և զնայ տեսնելու մեքենան:

— Դէհ, ինչ է կարծիքդ սրա մասին, Ստեֆենսոնին հարցրեց նրա ծանօթներից մէկը, կարող ես նրան ուղղել: «Այո, պատասխանեց Ստեֆենսոնը, միայն եթէ թոյլ տայիք նրան ուղղելու ինչպէս կուզենայի, 8 օրից յետոյ գուր կարող կըլինէիք իջնել մինչև ջրհորի յատակը»: Ստեֆենսոնի խօսքեր յայտնեցին հանքային արգիւնագործութեան գլխաւոր ինժիներին, որը յուսահատուած գործի յաջողութեան մասին, և կարծելով որ արդէն բոլորովին կորած գործը Ստեֆենսոնին յանձնելով, ոչինչ բան չի կորցնիլ, հրաւիրեց նրան իր մօտ: «Ճշմարիտ է, հարցրեց նա, որ գուր ուզում էք ուղղել մեքենան և խոստանում էք 7 օրուայ մէջ այնքան շտկել, որ կարելի լինի ջուր հանել»—Ճշմարիտ է»—պատասխանեց Ստեֆենսոնը: «Ուրեմն, եթէ այդպէս է, սկսեցէք գործն և որքան շուտ, այնքան լաւ, որովհետև այլապէս շուտով ջուրը կըհեղեղէ բոլորը: Եթէ ձեզ կըյաջողուի այդ գործը, որից հրաժարուեցան բոլոր ինժիներները,

այն ժամանակ մեծ օգուտ կըստանաք և մեծ փառք կըվաստակէք»:

Ստեփենսոնը եռանդով սկսեց գործը: Չորս օրուայ ընթացքում նա կարողացաւ թէ մաս մաս քանդել մեքենան, թէ սրբել ու շտկել նըրան, յետոյ նա նորից սարքեց, հինգերորդ օրը բանացրեց, վեցերորդ օրը ջրհորից բոլոր ջուրը դատարկեց, այնպէս որ դեռ նշանակեալ ժամանակիցն էլ առաջ հանքերի ստորերկրեայ սրահը բոլորովին չսրացել էր և կարելի էր վերսկսել հանքային սովորական աշխատութիւնները: Մի այդպիսի ծառայութեան վարձ ընկերութիւնը վճարեց 60 ռ. փող և շուտով էլ նըրան գլխաւոր մեքենագէտի պաշտօնը յանձնեց տարեկան 600 ռ. ուճիկով, որ նայելով այն ժամանակուայ գներին, շատ բարձր էր: Այս պաշտօնը հնարաւորութիւն տուեց նըրան լաւ կեանք վարել: Այժմ նա թէ միջոցներ և թէ ժամանակ ունէր գիտութիւններով պարապելու, որոնց այնպէս նա սիրում էր: Այս բանում նըրան օգնեց նրա որդի Ռոբերտը որ ուսանում էր ամենալաւ դպրոցներից մէկում: Երբ աւտերին որդին ուսումնարանից վերադառնում էր, նրանց համար սկսում էր ճշմարիտ տօն: Նըրանք միասին էին սովորում, միասին էին հնարում գանազան բաներ և ինչ ասես որ չէին հնարում և կողպէքներ, որոնց կարող էին բանալ միայն իրենք, և լամպա, որ կարող էր վառուել ջրի տակ և շատ օգտակար էր ձկնորսութեան համար և արեւածամացոյց, որ մինչև հիմայ էլ է գործածուում: Բայց ի հարկէ այս գիտերը մի առանձին նշանակութիւն չունին: Ռ-

րովհետեւ այս ժամանակ արդէն յայտնի էր եղել շոգու գորութիւնը ուստի ամենալաւ մարդիկ մտածում էին թէ ինչպէս կարողանան նրան իրական կեանքի պէտքերին յարմարացնել. բայց չափազանց դժուար էր մաքառել ագիտութեան դէմ որ իւրաքանչիւր քայլափոխում արգելքներ էր դնում և ոչ մի կերպ չէր ուզում ճանաչել այս գիտերի օգուտն և բնգունում էր նրան ինչպէս սատանայական մի գործ: Պէտք է ասել, որ դեռ ևս ուզում էին հնարել այնպիսի շոգեկառքեր, որոնք կարող լինէին շրջել միայն սովորական ճանապարհներով: Այսպիսի փորձերից մէկը, որ շատ գուարճալի վախճան ունեցաւ պատկանում է Մերզոկին. սա շինել էր արշիներից էլ պակաս բարձրութեամբ մի փոքրիկ շոգեկառք երեք անիւներով: Ուշ երեկոյեան նա տանում է իւր մեքենան քիչ բանով տեղը լըսելեայն փորձ կատարելու համար. փառում է սպիրտի լամպան, եռացնում ջրով լի կաթսան. ջուրն եռում է և մեքենան սլանում, իւր յետնից թողնելով հնարողին: Հնարողը վազում է ետեւից, և շրնայելով նրա բոլոր ջանքերին, նա չի կարողանում նրան հասնել: Յանկարճ նա լսում է սարսափելի ազդակներ այն կողմից, ուր գրնացել էր մեքենան: Յատնի եղաւ, որ կանչողը մի քահանայ էր, որ մեքենայ գիւղից տուն էր վերադառնում: Քահանան տեսնելով մթուլթեան մէջ փոքրիկ սուլող և փայլող հրէջք, երեւակայում է թէ ինքն սատանան է կատակ անում և երկիւղից օգնութիւն է կանչում: Մի ուրիշ փորձ, ոչ պակաս դարմանալի, այլ աւելի նշանաւոր, կատարել է մի ոմն Տրիվիտէնը, որի շինած շո-

զեկառքն իւր յետեից կարողացել էր քարշել մի շարք ձիակառքեր, բայց այս փորձը սրանով էլ վերջանում է: Մի անգամ այս իսկ շողեկառքը փորձելու ժամանակ, նրան թողնում են այնպիսի ճանապարհի վրայ, որտեղ շինուած է լինում ուղեկապ (застрѣва) որի նշանակութիւնն է յայտնի վարձ վերցնել ճանապարհորդներին: Սկզբում շողեկառքը դժուարութեամբ էր գնում, բայց յետոյ այնպիսի արագութեամբ է պանում առաջ, որ պահապանը հազիւ կարողանում է բարձրացնել ուղեկապը: Եւ երբ շողեկառքի կառավարիչը, նոյն ինքն հնարողն աշխատելով իւր շողեկառքի ընթացքը դանդաղացնել, որ կարողանայ մաքսը վճարել, հարցնում է «Թէ որքան պէտք է տալ», սարսափահար պահապանը բոլոր մարմնով դողալով, մոմռում է «Ոչինչ, ոչինչ պէտք չէ, պարոն սա.տանայ: Ոչինչ. . միայն, շուտ անցէք»:

Ահաւասիկ թէ ինչպէս էր նայում մարդկանց մեծամասնութիւնն այս մեծ գործի վրայ: Դժուար էր, ի հարկէ, այսպիսի հանգամանքներում յուսալ յաջողութեան մասին: Բայց այդ պիսի մարդիկ, ինչպէս Ստեֆենսոնն էր, հեշտ չեն հրաժարուում իրենց գիտաւորութիւններին:

Ստեֆենսոնը գեռ ևս հանքերում բանոդ մշակ լինելով և տեսնելով երկաթէ ձողերը, որոնց վրայ սայլակով քարածուխ էին կրում, մտածում էր թէ ինչպէս գոյորշին գործ դնել երկաթէ ձողերով սայլակները շարժելու համար: Ընտրով մի հանքարանում չուգունէ ձողեր դարսեցին, բայց տգէտ մարդիկ չեն սիրում նորմուծութիւններ, մշակներն ապստամբուեցին և

քանգեցին չուգունէ ձողերն և մահով էին սպանում հնարողին, որ թաք կենալով ազատուեցաւ: Բայց այնուամենայնիւ վերջի վերջոյ երկաթէ ձողերը գործ դրուեցան իբրև յարմար միջոց: Այժմ մնում էր միայն գտնել միջոց աւելի հեշտ և արագ կերպով երկաթէ ձողերով ճանապարհորդելու համար: Այս միջոցին Ստեֆենսոնը հռչակուել էր իբրև քաջ և հմուտ մեքենագէտ և ինժիներ: Ուստի զարմանալի չէ, որ հանքատէրերից մէկը հրաւիրեց նրան իւր հաշուով շինել շողեկառքը: Ստեֆենսոնը ձեռնամուխ եղաւ գործին և 10 ամսից յետոյ պատրաստեց, փորձը յաջողուեց, միայն Ստեֆենսոնը նկատեց, որ մեքենան շարժում է ոչ բաւականաչափ արագ, իսկ սրանով այն օգուտն որ նա կարող էր տալ փոքրանում էր: Նա նրկատեց, որ շողեկառքի դանդաղութիւնը կախուած է շոգու քանակութիւնից, որոնք, ըստ կարգի, կախուած են կաթսայի մեծութիւնից, բացի սրանից, գոյորշին դուրս էր գալիս ոչ թէ ծխնելոյզի, այլ գլանակի (ցիլինդր) բացուածքի միջով, որ սարսափելի սուլոյցի պատճառ էր գառնում և ձիերին, հօտերին վախեցնում և ժողովրդի մէջ էլ զժգոհութիւն առաջացնում: Երբ հետեւալ տարին նա շինեց նոր շողեկառք, նրա մէջ արդէն այլ ևս չըկային այս պակասութիւնները: Գոյորշին ծխնելոյզի միջովն էր դուրս գնում, առանց ազմուկի և շարժողութիւնը շատ արագ էր կատարում:

Այս ժամանակից սկսած Ստեֆենսոնը մի առանձին եռանդով սկսում է կատարելագործել երկաթուղիներն ու շողեկառքերն և շատ բա-

բնորոգումներ կատարեց: Չոզեկաուքերի վրայ պարագելիս, Ստեֆենսոնն ևս մի նոր գիւտ հրնարեց, որը թէև չի վերաբերում նրա գլխաւոր նպատակին, բայց արժանի է ուշադրութեան առաջինը՝ նրանով, որ նա շափազանց կարևոր է ինքն ըստ ինքեան և երկրորդ՝ ցոյց է տալիս Ստեֆենսոնի անձնամուէր բնաւորութիւնն և պատրաստականութիւնը, հարկաւոր դէպքում, մինչև անգամ գոհել իւր անձն ուրիշների օգտին: Ահա թէ բանը ինչումն է քարէսածուխի մշակութիւնը ոչ միայն գժուարին է, այլ և վտանգաւոր: Բացի մասնաւոր քարահիստերից, որոնք սպանում և վիրաւորում են մշակներին, բացի ստորերկրեայ ջրերից, որոնք մինչև շոգեջրհանների գիւտը, հեղեղում էին և ջրահեղձ անում մարդկանց, հանքի փորիչները ամենից աւելի շատ կոտորում էին մահացու գազերից, այս գազերի դէմ ոչ մի միջոց չէր գտնուած, և դժբաղդ դէպքերը շատ յաճախ էին պատահում: Այս գազն որ կոչւում է հանքերի գազ, երբեմն հաւարուելով շատ մեծ քանակութեամբ, հեշտութեամբ բռնկում է և պայթումների պատճառ գտնում, որոնցից մեռնում են հազարաւոր մարդիկ: Ակներև է, որ այս գազը լամպի կամ մումի բոցիցն է բռնկում, առանց որոնց անկարելի է աշխատել հանքերում:

Պատահած է, որ հանքերում գազի բռնկումից հրդեհուել է քարէսածուխը. սրանից առաջացել են ստորերկրեայ հրդեհներ, որոնք շարունակուել են ամբողջ տարիներ և ոչ մի եղանակով չեն կարողացել հանգցնել: Քարէսածուխի հանքերումուր աշխատել է Ստեֆենսոնը,

շատ անգամ պատահել են պայթումներ: Մի անգամ մի այդպիսի պայթումի միջոցին այրուեցաւ 10 մարդ, միւս անգամ 42 մարդ, իսկ 1812 թ. պայթումն այնքան զօրեղ էր, որ մերձակայ տները դրդուեցան և աճիւնով ծածկուեցան և հարիւրից աւելի մարդ մեռան սարսափելի տանջանքների մէջ: Հետեւալ տարին նորից պայթումն պատահեց և նորից դժբաղդ հանքային մշակները սարսափելի տանջանքների մէջ մեռան ստորերկրեայ նեղ անցքերում: Ստեֆենսոնը այդ միջոցին գտնում էր ջրհան մեքենայի մօտ և ականատես վկայ եղաւ այս բոլոր սարսափների: Ըստ ծանր տպաւորութիւն թողեց նրա վրայ այս տեսարանը, մտածեց մի հնար գտնելու այս աղէտի դէմ: Ահա մի անգամ հրդեհ պատահեց հանքերի ամենախոր նեղանցքերից մէկում, և Ստեֆենսոնը շտապեց այնտեղ, որտեղից լուում էին գոհերի սրտամիլիկ ազաղակները: Նա իջաւ նեղանցքը, որպիսի քաջութիւնից ողևորուելով հետեւեցին և ուրիշները: Նա շուտով քանդեց քարէ պարէսալը, որը փուլ գալով արգելք եղաւ զբսից եկող օդի հոսանքին և այդպէս քչացրեց գազի հոսանքը, կրակը հանգաւ և այդպէս մեծ աղէտի առաջնարաւ: Սակայն մի քանի մարդիկ այնուամենայնիւ խեղդամահ եղան այս սարսափելի գազից գետնի խորին մասերումը: Այս դէպքը պատճառ եղաւ վերջապէս մի հնար գտնելու աղէտի դէմ—և շուտով էլ գտաւ,

Ստեֆենսոնը հասկացաւ, որ լամպան այն տեսակը պէտք է լինի, որ հանքերի աշխատանքներին լոյս տալով, միևնույն ժամանակ հա-

գորդակցութիւն շունենար բռնկող զազի հետ, և շուտով մի այդպիսի լամպայ պատրաստ էր: Մեռում էր փորձ անել: Գիշերով, հրաւիրելով իւր երկու ընկերակիցներին, Ստեփենսոնը իջաւ հանրավայրը: Նա գնաց ուղղակի ամենավտանգաւոր տեղը, որտեղ հաւաքուում էին կամարի բացուածքից բռնկող զազեր, նաև ընդհանուր ուժերով տախտակէ պատնէշ կանգնացրին, որպէս զի այդպիսով աւելի զազ հաւաքուի միևնոյն տեղումը: Երբ պատնէշը շինեցին վերջացրին, նրա ծանօթներն այնտեղից որքան կարելի է աւելի հեռու դնացին, որպէս զի պայթման միջոցին, անվնաս մնան, մինչդեռ աներկիւց Ստեփենսոնը, նախապահականիչ լամպարը ձեռին մօտեցաւ ամենավտանգաւոր տեղը: Մօտենալով պատնէշին, նա լամպարը մօտեցրեց հէնց իրեն բացուածքին, որից բղխում էր զազը, և թէև բոցը տարածուեց, լցրեց լամպարի բոլոր ներքին դատարկ տեղերը, բայց յետոյ տատանուելով հանգաւ առանց որևէ վնասի: Փորձը յաջողուեց, Ստեփենսոնը կրկնեց միևնոյնը մի քանի անգամ, յետոյ իւր ծանօթներին կանչեց, որոնցից մէկը փորձը կրկնեց յաջողութեամբ: Այնուհետև սկսեցին գործածել մերձակայ հանրավայրերում Ստեփենսոնի լամպարը, և եթէ յետոյ պատահեցան պայթումներ, դրանք միայն անզուշուրթեան հետևանքներն էին:

Չուտով Ստեփենսոնին յանձնուեցաւ երկաթուղի անցկացնել Գալտոնի հանքերից մինչև Վիրա գետը—և այս առաջին երկաթուղին բացուեցաւ 1822 թ. նոյեմբերի 18-ին: Յաջողու-

թիւնը կատարեալ էր. հինգ հատ շոգեկառք, որոնց կառավարում էր Ստեփենսոնը անցան բոլոր տարածութիւնը իւրաքանչիւր ժամում 25 վերստ կատարելով. և իւրաքանչիւր մեքենան իւր յետեից քարշում էր 17 հատ խիստ բեռնաւորում կառքեր:

Սրանից յետոյ պէտք էր կարծել թէ այլ ևս չէր կարող կատկած լինել երկաթուղիների օգտակարութեան մասին, բայց երբ Ստեփենսոնը սկսեց երկաթուղի կառուցանել Լիվերպուլի և Մանչեստրի մէջ, հանդէս եկան միևնոյն արգելքները: Եւ գիւղացիք և հողատէրերը, որոնց հողերի միջով պէտք է անցնէր երկաթուղու գիծը, սորա դէմ բողոքեցին և խոտովութիւններն ու անբաւականութիւնները կրկնուեցան ինչպէս այն ժամանակ, երբ երկաթէ ձոզեր էին ուղում դնել հասարակ կառքերի համար: Գիւղացիք շատ անգամ կոտորում էին այն գործիքները, որոնցով չափում էին հողերը, սպառնում էին, որ Ստեփենսոնին կրխեզզեն ճահիճների մէջ և ծիծաղում էին նրա յիմար գիւտի վրայ—այսպէս էին անուանում այն ժամանակ Ստեփենսոնի ձեռնարկութիւնը: Սակայն, բացի հասարակ դատակարգից, Ստեփենսոնը ստիպուած էր մարտել նաև բարձր դատակարգի տգիտութեան, անփստահութեան և անբարեկամականութեան դէմ, որը նոյնպէս նրան խելագար էր համարում:

Հետեալ օրինակը շատ պարզ ցոյց կրթայ թէ Ստեփենսոնը որ աստիճան ընդունակ էր ամենազժուար կռուին գիմանալու: Կառուցանելիք երկաթուղու ճանապարհին մի մեծ ճա-

հիճ էր գտնուում (50 վերստ լայնութիւն և մօտ 30 վերստ երկարութիւն), բաղկացած 1 1/2 սա-
ժէն խորութեամբ յեզուկ ցեխից և ծածկուած
միմեանց հետ հիւտուած բոյսերի մի թեթիւ կե-
ղեով, այնպէս որ ոտքով անգամ անկարելի էր
անցնել այս վտանգաւոր տեղովը: Նոյն իսկ հի-
մայ էլ, երբ կան այգալիսի գործերի համար այն-
քան միջոցներ և յարմարութիւններ, շատ ին-
ժիներնեք կը զժուարանային կամ մինչև անգամ
կը հրաժարուէին մի այգալիսի տեղով երկաթու-
ղի անցկացնելուց, բայց Ստեփենսոնը վճուեց
անպատճառ անցկացնել երկաթուղին: Եւ ինչ:
Կիսամեայ քրտնաթոր և շատերին անմիտ երե-
ւցած աշխատութիւններից յետոյ, ճահիճը բո-
լորովին ցամաքեցաւ: Հողը պնդացաւ, երկա-
թաձողերը գրուեցան և շուտով այդ անանցա-
նելի ճահիճի վրայով սլանոււմ էր երկաթուղու
շոգեկառքը իւր հետ տանելով նաև ծանրաբեռ-
նուած երկաթուղային շոգեկառքերի մի ամբողջ
շարք:

Մի փոքրիկ ձիակառքի տեսակի փոխարէն, որի
մէջ առաջ պէտք է նստէին բոլոր ճանապարհորդ-
ները միասին, սկսեցին շինել առանձին երկաթու-
ղային կառքեր (վագօն) որոնց թիւը պէտք էր լի-
նում, բստ հարկին, աւելացնել: Այսպէս վերջապէս,
Ստեփենսոնին յաջողուեց, նրա գիւար օգտա-
կար ճանաչուեցաւ և ամեն տեղ երկաթուղիներ
սկսեցին շինել: Նախ Անգլիայում, ապա և ուրիշ
երկրներում, այնպէս որ ներկայումս Ռուսաս-
տանի մէջ, երկաթուղու գծի երկայնութիւնը
աւելի քան տաս հազար վերստին է հաւասար-
ւում:


Երկաթուղու օգուան անվիճելի էր, և այն
Ստեփենսոնի անունը, որին առաջ խելագարի
տեղ էին ընդունում ամեն տեղ յարգանքով էր
արտասանուում: Ստեփենսոնին սկսան հրաւիրել
նաև օտար պետութիւնները երկաթուղիների
կառուցման առթիւ խորհրդակցելու: Այսպէս օ-
րինակի համար, նա Ամերիկա գնաց, ուր բոլոր-
ովին վնասեց իւր առանց այն էլ չափազանց
աշխատութիւններից խանգարուած առողջու-
թիւնն: Վերադարձին գնաց Սպանիա, խորհուրդ-
ներ տուեց և հսկողութիւն գործեց նոյն իսկ
աշխատութիւնների վրայ: Նոյն նպատակով
հրաւիրուեցաւ Բելգիա, և երկար ժամանակ յե-
տոյ ևս շատ տարիների ընթացքում Գէորգ
Ստեփենսոնի անունը պատուաւոր տեղ էր բռ-
նում բոլոր մնացած երկաթուղիների կառուց-
ման պատմութեան մէջ: 1840 թ. Ստեփենսոնը
հանգստի կարիք գգուց և հրաժարուեց գլխա-
ւոր ինժիների պաշտօնից, յանձնելով այդ պաշ-
տօնը իւր որդուն, իսկ ինքն չուեց իւր կա-
լուածքը, ուր իւր ժամանակի մեծ մասը այ-
նուամենայնիւ անց էր կացնում ինժիներների,
հնարողների հետ խօսակցելով, նոյնպէս բան-
ւորների հետ, որոնց խորհուրդներ էր տալիս,
իսկ հարկաւոր դիպուածում նաև զրամով օգ-
նում: Բացի սրանից Ստեփենսոնը ընդարձակ
նամակագրութիւն ունէր: Ինքն գրել չէր սի-
րում, գուցէ այն պատճառով, որ ուշ էր սո-
վորել գրել կարգաւր:

Նա ունէր առանձին քարտուղար և նրան
էր թելադրում իւր նամակներն, երբեմն մի ժա-
մում քսանից մինչև եռեսուն նամակ էր թելա-

զրոււմ և կարողանում էր 12 ժամ շարունակ թե-
լազրել, — մի խօսքով նա չէր ուզում հանգիստ
վայելել մինչև իւր գեղեցիկ կեանքի վերջի շունչը:
Եւ հասարակական և ընտանեկան կեանքում
Ստեփենստնը մնաց միշտ նոյն ազնիւ, նոյն բա-
րի, նոյն պարզասէր Ստեփենստն, ինչ որ էր
հանքերում մշակ եղած ժամանակը: Նա ամենից
սիրուած և յարգուած մարդն էր: Պետական
բարձրաստիճան մարդիկ նրա մօտ էին լինում
և նրան իրենց մօտ հիւրասիրում, բայց նա միշտ
ասում էր, թէ ինքն չէ սիրում բարձր հասարա-
կութեան մէջ լինել:

1848 թ. օգոստոսի 12-ին, այսինքն 67 տա-
րեկան հասակում մեռաւ Ստեփենստնն և ամբողջ
ժողովուրդը սգի մէջ մտաւ այս աշխատասէր
մարդու մահուան առթիւ: Ամբողջ քաղաքն իւր
վերջին յարգանքը ցոյց տուեց դէպի հանգու-
ցեալն, իւրաքանչիւրն իրեն համար պատիւ հա-
մարելով կրել նրա դագաղը մինչև վերջին հան-
գատեան վայրը: Նրան թաղեցին Չեստերփիլտի
մէջ, և այժմ միայն մի հասարակ քար կայ դը-
րուած այս մեծ մարդու գերեզմանի վրայ: Յե-
տոյ միայն զանազան տեղերում, ի պատիւ նո-
րա, մի քանի մեծախօս արձաններ դրուեցան,
բայց, ի հարկէ, դրանք աւելորդ են: Այս մար-
դու յիշատակն էրբէք չի մոռացուի և մարդիկ
երբէք չեն մոռանալ նրա մարդկութեան արած
բարոյրած քաղաքի մասին:

Փոքր և պակասակազմակ, ով մեծանուն աշ-
խատասէրներ, մեծացուն յայտնագործողներ:



«Ազգային գրադարան»



NL0281326

9950